

18 MAY 1997

DR MAHATHIR BERLEPAS KE LONDON UNTUK MULA CUTI DUA BULAN

KUALA LUMPUR, 18 Mei (Bernama) -- Perdana Menteri Datuk Seri Dr Mahathir Mohamad berlepas ke London malam ini untuk memulakan percutian selama dua bulan ke beberapa buah negara Eropah.

Semasa percutian itu, Dr Mahathir akan turut melaksanakan beberapa tugas rasmi dalam lawatannya ke beberapa buah negara.

Semasa di London, Dr Mahathir juga akan turut mempromosikan Koridor Raya Multi Media (MSC) untuk pelabur-pelabur yang berpotensi.

Timbalan Perdana Menteri Datuk Seri Anwar Ibrahim telah dilantik sebagai Pemangku Perdana Menteri sepanjang percutian Dr Mahathir itu.

Yang turut mengucapkan selamat jalan kepada Dr Mahathir di Lapangan Terbang Sultan Abdul Aziz Shah di Subang ialah Anwar dan menteri-menteri Kabinet, anggota Parlimen dan senator.

Ini merupakan kali pertama Dr Mahathir mengambil cuti panjang setelah berkhidmat sebagai Perdana Menteri selama 16 tahun sejak 1971. -- BERNAMA

RHM OBA